

巴陵縣志

史類
E01

270.69
35
512/2

嘉慶癸亥重修

巴陵縣志

本邑藏板

巴陵縣志序



十一本西三元

巴陵古麋子國屬荊州漢下雋
縣地三國吳爲巴邱晉太康初
立巴陵縣隸長沙南北朝曰郡
曰州隋始改巴州曰岳州唐宋
及元曰巴陵郡曰岳陽軍曰岳
州路自古因革不一明爲岳州

巴陵縣志

卷首

王序

府領巴陵平江臨湘華容四縣
今仍之巴陵蓋岳州附郭邑也
東連幕阜西兼青草北據漢沔
南引瀟湘在昔用武之地水陸
舟車爲絕域八蠻貢道之咽喉
形勢之險莫有過焉

國家聲教暨訖休養生息涵煦旣

久向之憑陵險阻剗削消磨百
數十年來雄關戰壘盡爲康莊
坦道山川如故城郭依然而田
賦水利學校兵防人物風俗之
類因時制宜踵事日增欲以辨
別土宜分析利病而措諸康樂
和親舍志乘其曷從哉嘉慶癸

亥仲冬予承乏茲郡甫至之日
邑令莊君暨紳士告以巴陵有
修緝縣志之舉屬稿已竟越明
年甲子春剖劄旣成乃屬予序
之予謂巴陵在岳雖止一隅而
提綱挈領與郡唇齒相依巴陵
不治則郡之不治也然其迥異

他土而圖治之不易者大端有二焉洞庭湖在城西南巨浸八九百里荆襄江漲復灌注其中烟波浩淼盜賊出沒不可踪跡常爲商旅之害一也臨長沙而控武昌連吳會而通巴蜀達滇粵拱京華居楚中衝之區往

來之差使絡繹經過之餉犯紛煩奔走期會日不暇給二也至於地瘠民貧請張多詐獄訟之興曉曉不已者楚俗大概有之而巴陵亦未能盡革自非才堪肆應將之以勤慎而出之以明決從事其間則志之修也其愈

於未修者又幾何哉是志自署
令陳君經其始而莊君實襄其
成條分縷析徵文考獻稽引無
遺一切敷陳設施之具可按而
知也記曰修其教不易其俗齊
其政不易其宜茲斯土者爲之
經其農桑以裕衣食之源隆其

學校以端訓行之本善驛之用
而道路不患其賒收水之功而
洞庭不嫌其大節性以防淫道
之有素興德而同俗漸幾於成
所以修之齊之之要不過如此
惟在以誠心出之以實力行之
不易俗不易宜古人所以不易

民而治也予願與莊君共勉之而已

嘉慶九年季春月中澣之吉

賜進士出身奉政大夫署湖南岳州府事實慶府同知加三級前翰林院庶吉士浮梁汪注序



巴陵縣志序

余幼侍先大人之任粵西往返
洞庭泊湘妃祠登岳陽樓即識
山水雄秀甲於天下及服官西
蜀南滇頻年奔走而先大人於
乾隆壬寅奉

命巡撫湖南入

巴陵縣志

卷首

查序

覲時

恩諭留京度歲旋即辭世未克蒞任

余服闋後奉

命守平樂再經其地征鞍倥偬不暇
流連嘉慶辛酉奉

命有授湖南糧儲道挽運糧艘歲駐
此焉曠觀巴陵勝狀襟帶瀟湘

控跨鼎澧據江漢之上游鈐直
粵之門戶天岳君山鍾其秀九
江五渚匯其流益信先大人銅
鼓堂遺稿中諸什題品雲山為
不虛也余惟夫天下郡國大縣
其震耀寰宇中者往往藉名山
大川以傳名山大川又必藉生

於斯遊於斯官於斯者之文章
節義以傳而文章節義非藉邑
乘以備文獻之考不傳縱傳亦
弗久也巴陵以洞庭傳明矣其
間鍾靈淑而生馭舟車而至以
及印纍纍綬若若者自設郡縣
以來代不乏人顧或傳或不傳

者不必盡經兵燹之後而無所
考也有可傳之事為可傳之人
或未能適當著書以傳於後之
時其不如雪泥鴻爪了然無痕
者幾何耶癸亥冬余理漕來岳
聞邑令莊君繩武纂修邑乘以
其全稿來索序於余反復披閱


自輿圖至櫛撫三十卷分門二
十有二綱舉目張煥然大備矣
余非縮銀章垂墨綬膺專城之
任於此都者也即

國朝百六十年来運漕而次於岳陽
與夫遷客騷人操桂楫泛蘭槩
一再經過於八百里湖光者亦

不獨余也其間名湮沒而弗
者不能屈指數余老矣自顧生
平文章節義無可表見今適當
諸君修志之時余得附名簡端
傳不傳未可知亦藉以附賢人
之後願垂不朽余愧之亦幸之
也是舉也陳令玉垣倡之張守

五緯主之莊令繩武成之徐廣
文清選唐廣文伊盛華容孝廉
萬康邑貢生彭昌隆廩生龔立
海參互而考訂之余嘉官於斯
者之政勤而心勞生於斯者之
好義而能文并喜余之自少而
壯壯而老往來於烟波浩淼間

與斯邑有夙緣也爰序而歸之
 嘉慶九年歲次甲子孟春月
 誥授中憲大夫分守督理湖南等
 處地方糧儲道加三級紀錄十
 次宛平查淳梅舫氏書於岳
 陽郵署之皇華亭



巴陵縣志序

巴陵縣志垂成紳士寓書求序於余
余為之瞞然慙也余之始至巴陵也
欲修三眼橋集闔邑紳士謀之紳士
被於余曰橋之功鉅用費不時集功
費不繼曷修志乎余謂橋之用費廣
而修之易志之用費減於橋而成書

則甚難率然而修志亦知其所以難
乎乃古常患其遺採今常患其濫邑
鮮藏書將何所資以考古乎舊志之
佚久矣三十年為一世百二十年為
一紀文無徵獻之無徵將何所資以
採今身為闡先哲之言曰君子之所
為書者以其所遺也紀政事也察

民隱也樂道人之善也又曰君子立
言不為一時事固有言在一時而行
其言收其效於數十百歲之後者此
皆余夙昔之所服膺而心嚮往之者
也況乎志為紀事之書民生之利病
繫焉似又不徒矜其博與覈而已也
余齒髮衰遲心血耗散烏能從事於

斯哉紳士固請不已余重違其意乃
集邑士之能文者設局以徵之俾分
門纂輯邑人徐湘浦者嘗於乾隆癸
卯歲至泰和姚夫子之命從學于余
近年湘浦養親不仕老屋數椽近在
岳陽樓下俾董其成余以壬戌九月
朔至巴陵明年正月朔始修志比六

月余瓜代行矣又明年夏始成書吾
里胡赤城先生纂海鹽縣圖經四十
卷積一生之力以成之而後無毫髮
之憾又嘗見杭太史堇浦先生修海
寧州志五年而成同時老輩尚有舉
弓撻漏致書請之者今巴陵縣志何
其成之之速耶蓋有迫以不待不速

者也使曠日而持久用費又將焉繼
湘浦與同之諸子有苦心焉當余去
巴陵之日甚憲書之不克成而竟克
成殊可喜也願余之慙終無可釋矣
嘉慶九年四月廿又一日積雨新霽
澈浦陳玉恒脫藁於耒陽縣官舍



巴陵縣志叙

五岳惟衡山在大江以南七十二峰
滋湘水迤邐北趨七百里為天岳
山冢華之承以附也是以青島冢有
迴龍之說巴陵縣境適當之岳山之
陽九江之水發源比數千里蜿蜒
駛成匯於城下岷江逆而合焉高實

巴陵縣志

卷首

張序

言九江孔毅又言導江至於東陵九
江即洞庭東陵即巴陵也夏后氏之
明渚數千年以後鑿之可較者矣此
為甚矣歷來功名之士為於此若偉
烈而抱負宏通之士或經過留連或
聞名慨慕名章巨作流傳甚夥如范
文正公平生抱先憂後樂之志而為

借岳陽樓記以發之其形勢之雄
誠足令人尚法哉余嘗登岳陽樓而
望見夫魏澗特至若山岷不高也而
不聞有狼虜之警晉法在澗者澤北
不廣也而不同有蛟蜃之害又見夫
艤艦偏舫沿流而至抽帆而去者涉
浩濤破巨浪家履平地蓋百姓食昇

平之福而既百數十年於茲矣因思
三國六朝分疆割據之時豈設重鎮
於此哉

朝康熙初年板蕩播遷

聖師捷伐之先克復岳州而後
天戈所指振槁摧枯曾不頃臯焉是
巴陵一縣不獨為湘中門戶實西南